



Uunga siunnersuut: Kalaallit Nunaannilu oqartussaasut whistleblowereqarnissamut aqqissuussinikkut (kinaassutsimik ersersitsisuunngitsumik ilisimasamik ingerlatitseeqqissinnaanermut periarfissiisumik) malittarisassiuunneqarnissaannut Naalakkersuisut peqquneqarnissaannut Inatsisartut aalajangiiffigissaattut siunnersuut.

(Inatsisartunut Ilaasortaq Naaja H. Nathanielsen, Inuit Ataqatigiit)

Siullermeerneqarnera

Pisortat aqutsinerminni aammalumi pisortat tamakkiisumik ilaannakortumilluunniit piginneqatigiiffinni pigisaanni, ukiuni kingullerni annertusiartuinnartumik akuerisaalluni atorneqaleriartornikuuvoq una oqajamaanik (whistleblower) periarfissaq, taamaakkaluartorli inatsisitigut illersugaanngillat taamannak periarfissamik atuisut, taamaattumik Naaja Nathanielsenip siunnersuutaa aqutigalugu periarfissaq iluatsissaaq.

Partii Naleqqamiit siunnersuut taperserparput, taamaattorli aamma inatsisiliorneqarnerani atonerluisoqannginnissaa qulakkeerneqarnissaa ilanngullugu Naalakkersuisut suleqqussavagut. Tassami kukkuluttortoqannginnissaa sutigut tamatigut qulakkeerniagassaraarput.

Taamatut oqaaseqarluta siunnersuutip aappassaaneerneqannginnermini Inatsisit atortinneqanissaanik ataatsimiititaliamut sukumiisumik suliarineqarnissaa innersuussutigissavarput

Qujanaq.